

ՀՀ պետական եկամուտների կոմիտեի նախագահի
«05» հունիսի 2023թ. N560-Լ հրամանի

(05100040) / (250723) / (464)
(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«25» հուլիսի 2023 թ.
(ամսաթիվը)

Սիսիան-Երևան մայրուղու 7-րդ կմ
(կազմման վայրը)

Ես՝ ՀՀ պետական եկամուտների կոմիտեի
Հարավային մաքսատուն-վարչության
(ստորաբաժանման անվանումը)

ղեկավար Արտաշես Ղամբարյանս, քննելով՝ ՀՀ քաղաքացի Ստեփան Սամվելի
Իսրայելյանի (անձնագիր՝ AU0626046, ծնված՝ 12.07.1980թ., հասցե՝ Վայոց Ձոր,
ք. Մալիշկա, 15-րդ փողոց, տուն 62)

(քննվող անձի անվանումը, կազմակերպչիրավական տեսակը, ՀՎՀՀ, պետական գրանցման/բնակության հասցեն, փաստացի գործունեության
հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

2023 թվականի մայիսի 25-ին ժամը 14:29-ին ՀՀ քաղաքացի Ստեփան
Սամվելի Իսրայելյանը 60UB060 պետհամարանիշի բեռնատար տրանսպորտային
միջոցով ԻԻՀ-ից մուտք է գործել ՀՀ:

ՀՄՎ Մեղրիի մաքսային կետ-բաժնի աշխատակցի՝ մաքսային հսկողությունից թաքցված ապրանքներ ունենալու մասին բանավոր հարցմանն ի պատասխան ՀՀ քաղաքացի Ստեփան Սամվելի Իսրայելյանը պատասխանել է՝ ոչ, սակայն զննման արդյունքում տրանսպորտային միջոցի բեռնախցիկի արտաքին պահոցում՝ ոչ տեսանելի հատվածում հայտնաբերվել է մաքսային հսկողությունից թաքցված 21 բլոկ «ROYAL» գրառմամբ, 13 բլոկ «VEE'S» գրառմամբ, 20 բլոկ «COBRA» գրառմամբ ծխախոտներ:

Փաստի առթիվ 25.05.2023 թվականին ՀՀ ՊԵԿ ՀՄՎ Մեղրիի մաքսային կետ-բաժնի 1-ին բաժանմունքի մաքսային տեսուչի կողմից ՀՀ քաղաքացի Ստեփան Սամվելի Իսրայելյանի նկատմամբ «Մաքսային կարգավորման մասին» ՀՀ օրենքի 313-րդ հոդվածի հատկանիշներով հարուցվել է վարչական վարույթ, այն է՝ «Հայաստանի Հանրապետության պետական սահմանով մաքսային հսկողության ներքո գտնվող ապրանքների տեղափոխումը՝ մաքսային հսկողությունից թաքցնելով՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով»:

ՀՀ քաղաքացի Ստեփան Սամվելի Իսրայելյանը փոստով պատշաճ ծանուցվել է գործի քննության օրվա, վայրի և ժամի մասին, սակայն չի ներկայացել գործի քննությանը, գրավոր որևէ դիրքորոշում կամ բացատրություն չի ներկայացրել և գործի քննությունը իրականացվել է իր բացակայությամբ:

«Մաքսային կարգավորման մասին» ՀՀ օրենքի 301-րդ համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և

պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 313-րդ հոդվածի համաձայն՝ «Հայաստանի Հանրապետության պետական սահմանով մաքսային հսկողության ներքո գտնվող ապրանքների տեղափոխումը՝ մաքսային հսկողությունից թաքցնելով՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ **առաջացնում է տուգանք՝ այդ ապրանքների մաքսային արժեքի հիսուն տոկոսի չափով, բայց ոչ պակաս, քան մեկ միլիոն դրամի չափով**»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝

բացահայտված փաստերի /հատկանիշների/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

Վարչական վարույթի շրջանակներում թաքցված ծխախոտների շուկայական արժեքները պարզելու նպատակով 31.05.2023 թվականին նշանակվել է ապրանքագիտական փորձաքննություն, որի կատարումը, հիմք ընդունելով ՀՀ ՊԵԿ-ի և ՀՀ ԳԱԱ «Փորձաքննությունների ազգային բյուրո» ՊՈԱԿ-ի միջև առկա պայմանագիրը, հանձնարարվել է «Փորձաքննությունների ազգային բյուրո» ՊՈԱԿ-ին:

Փորձագետի թիվ 23-0099 Պ եզրակացության համաձայն՝ 25.05.2023 թվականի դրությամբ՝ 21 բլոկ «ROYAL ORCHID» անվանումով ծխախոտների շուկայական արժեքը կկազմեր 84000 ՀՀ դրամ, 13 բլոկ «VEE'S» անվանումով ծխախոտների շուկայական արժեքը կկազմեր 58500 ՀՀ դրամ, 20 բլոկ «COBRA» անվանումով ծխախոտների շուկայական արժեքը կկազմեր 80000 ՀՀ դրամ:

Հիմք ընդունելով փորձագետի եզրակացությունը՝ վարչական վարույթի շրջանակներում ՀՀ քաղաքացի Ստեփան Սամվելի Իսրայելյանի կողմից թաքցված ծխախոտների մաքսային արժեքները, վճարման ենթակա մաքսային վճարների չափերը և ոչ սակագնային կարգավորման միջոցների կիրառելիությունը պարզելու

նպատակով՝ թիվ 630 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը:

ՀՀ ՊԵԿ Հարավային մաքսատուն-վարչության մաքսային գործառնությունների բաժնի թիվ 713 մտից համարի տեղեկանքի համաձայն՝ 2023թ մայիսի 25-ի դրությամբ ՀՀ քաղաքացի Ստեփան Սամվելի Իսրայելյանի կողմից թաքցված 21 բլոկ «ROYAL ORCHID» անվանումով, 13 բլոկ «VEE'S» անվանումով ծխախոտների, 20 բլոկ «COBRA» անվանումով ծխախոտների մաքսային արժեքները կկազմեր **222 500 ՀՀ դրամ** և վերոնշյալ ապրանքների նկատմամբ ոչ սակագնային կարգավորման միջոցները կիրառելի չեն:

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 313-րդ, 301-րդ, 334-րդ հոդվածի 1-ին մասի 1-ին կետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածները.

(իրավական ակտի անվանումը, հոդվածը)

Ո Ր Ո Շ Ե Ց Ի

1. ՀՀ քաղաքացի Ստեփան Սամվելի Իսրայելյանին «Մաքսային կարգավորման մասին» ՀՀ օրենքի 313-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **1 000 000 ՀՀ դրամ**:

(նշվում է վարչական տույժ նշանակելու մասին կայացված որոշումը)

2. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է

բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Հարավային մաքսատուն-վարչություն
(ստորաբաժանման անվանումը)

ղեկավար՝ Արտաշես Ղամբարյան
(անուն, ազգանուն)

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

2023թ.

Ծանոթություն. Սույն որոշմամբ նշանակված տույժի գումարը ենթակա է վճարման Կենտրոնական գանձապետարանի №900005024055 հաշվեհամարին 30 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: